

Poli à letereŋi niŋcyiŋi ngemu tun Tesaloniki kàñhe dánafeebil'a ke

Mpe yii à yaa yii cè mà jwo yii jyè letereŋi funŋo jwumpe e ke

Tesalonike kàñhe na mpyi Masedoni kùluni i. Silasi ná Timòti à Poli tège Jwumpe Nintanmpe njwuŋi na wani, ka pìi si piye kan Yesu á. Poli nye a jà a tère nimbwoo pyi wani kuru kàñhe na me, jaha kurugo ye Yahutuubil'à u kyérege wani (Kapyiŋkii 17).

Poli yìriŋkwooni kàntugo lire kùluni i, u à Timòti tun Tesaloniki kàñhe e, u sà dánafeebii kàanmucya kampyi yyefuge nye a pi pyi pi à sàa le Kile kuni naaraŋi na me. Nye tènì i Timòti à nùr'a pa maa jwuntanma jwo Poli á mà yyaha tíi ná dánafeebil'e ke, ka Poli funntanga wuŋi si nge letereŋi sém'a tun pi á.

Nge letereŋi funŋke e u à fwù kan Kile á, maa màban le dánafeebil'e, bà pi si mpyi si ñkwôro Kile kuni i s'a sè yyaha na me.

U à pi funŋo cwo u báaraŋi pyiŋkanni na tènì i u mpyi pi shwòhòl'e ke. U funŋk'à táan, jaha kurugo ye u à li nya na dánafeebil'à kwôro Kile kuni i, ali mà li ta ngahaŋi nye pi juŋ'i. U la nye si nùru pi nya (1--3). U à pi funŋo cwo u kàlaŋi na mà yyaha tíi ná naaraŋkanni niŋcenni i. U à li cya pi á na pi a piye kàanmucaa katupwòhòyi na (4.1-12).

Dánafeebii kurunke e, pìi funmpen wuu pi mpyi mà yyaha tíi ná dánafeebii niŋkwuubil'e. Ka Poli si màban le pi e maa li cyêe pi na na Yesu à jè a fworò kwùŋi i pyiŋkanni ndemu na ke, dánafeebii pi à kwù ke, Kile sí pire jè Yesu fiige. U à jwo na Yesu sí nùru n-pa canŋka. U aha mpa, dánafeebii puni sí n-pyi ná u e fo tèekwombaa (4.16-17).

Jwumpe tasiige

1 ¹Yii dánafeebii kurunke ku nye wuu Tuŋi Kile ná wuu Kafoonji Yesu *Kirisita wuubii Tesaloniki kàñhe e ke, mii Poli ná Siliven ná Timòti, wuu pi à nge letereŋi sème si nkan yii á. Kile u jwo yii na, u u yyepiŋke kan yii á.

Tesaloniki kàñhe dánafeebii Kile kuni naaraŋkann'à Poli yyaha jì

²Wuu maha fwù kaan Kile á yii kyaa na tèrigii puni i. Wuu aha a si raa u jáare tère o tère e ke, wuu funŋo nye na wwùu yii na me. ³Kacenŋkii yii à pyi maa li cyêe na yii à dá Yesu *Kirisita na ke, ná báaraŋi yii à pyi maa

li cyêe na Kile kyal'à táan yii á ke, ná pyiŋkanni na yii à yiye waha maa yii sɔ̀nɔ̀re taha wuu Kafoonji Yesu Kirisita na ke, wuu aha a Kile jáare, wuu funɔ̀ nyɛ na wwùu cyire na mɛ. ⁴Wuu cìnmpyiibii, wuu à li cè na Kile à yii kyaa táan uy'á maa yii cwɔ̀ɔ̀n'a pyi u wuu. ⁵Yii li cè na tɛni i wuu à Jwumpe Nintanmpe jwo yii á ke, li nyɛ a mpyi a dá ɲwɔ̀jwumpe kanni na mɛ, ŋka *Kile Munaani fànhe mú mpyi a bâra maa yii pyi yii à dá na wuu jwumpe na nyɛ sèe. Naaraŋkanni na wuu mpyi na jaare yii shwɔ̀hɔ̀l'e yii ntɛ̀gɛ̀ŋi kurugo ke, yii à lire cè. ⁶Wuu jaaraŋkanni ná Kafoonji wuuni nyɛ niŋkin, lire jaaraŋkanni yii s'à lwó. Kile Munaani fàn'h'à yii pyi yii à ɲɛ Kile jwumpe na ná funntange e yii yyefuge tɛrigil'e. ⁷Lire pyiŋkanni na, yii à pyi yyecyeene Masedoni ná Akayi kùligii dánafeebii pun'á. ⁸Yii à pyi kapuɲɔ̀ mà Kafoonji Jwumpe pyi p'à caala mà lwó yii yyére, mà sà nɔ̀ fo Masedoni ná Akayi kùligii na, mà bâra lire na, dániyaŋi yii à pyi Kile na ke, uru kyal'à jwo cyeyi puni i. Lire kurugo wuu saha nyɛ na wuye kànre na yii kyaa yu sùpya á mɛ. ⁹Tɛni i wuu à shà yii yyére ke, pyiŋkanni na yii à wuu ɲùɲɔ̀ bɛ̀, ná pyiŋkanni na yii à kàntugo wà yii yasunɲy'á ke, mà bâra lire na, Kileŋi ɲyii wuɲi u nyɛ Kileŋi sèe wuɲi ke, yii à ɲɛ uru na maa u père, sùpyire puni na yire yu. ¹⁰Pi à li cè mú na yii na *Kile Jyaŋi Yesu sigili. Kile à u ɲè a yige kwùɲi i, uru u sí n-yíri ɲìnyìɲi na mpa wuu shwɔ̀ Kile lùyirini nimpani na.

Kile báaraŋi Poli à pyi Tesaloniki kànhe e ke

2 ¹Wuu cìnmpyiibii, yii yabilimpil'à li cè na wuu kasheeni nyɛ a pyi yii yyére ɲùɲɔ̀ baa mɛ. ²Yii à li cè na Filipi kànhe shiinbil'à wuu kyérege, maa wuu cyahala, ŋka lire ná li wuuni mú i, Kile barag'e, wuu à wuye waha maa ŋkàr'a sà Jwumpe Nintanmpe jwo yii á, ali mà li ta wuu zàmpeɛnbil'à nyaha.

³Jwumpe wuu à jwo sùpyir'á maa pi le kuni niɲcenni i ke, wuu nyɛ a puru jwo pi á ná pi ŋgurugo funɲ'i, lire nyɛ mɛ ná funɲkyaange e, lire nyɛ mɛ ná nàɲwɔ̀hɔ̀ɔ̀ funɲ'i mɛ. ⁴Ŋka Jwumpe Nintanmpe Kile à kan wuu á ke, puru wuu nyɛ na yu. Naha kurugo ye u à wuu kàanmucya mà li ɲya na wuu sí n-jà uru báaraŋi pyi, lire e u à wuu pyi wuu u mpe Jwumpe Nintanmpe yu sùpyir'á. Wuu nyɛ na pu yu wuu kyaa si ntáan sùpyir'á mɛ, ŋka wuu na pu yu wuu kyaa si ntáan Kile á. Uru u à wuu zòmpii cè.

⁵Yii yabilimpil'à li cè kàyituwɔ̀gɔ̀ɔ̀ bà wuu à jwo yii á mɛ, là nta kurugo bà wuu mú s'à pu jwo mɛ. Kile u nyɛ wuu shèrefoonji. ⁶Mecyara kurugo bà wuu nyɛ na puru Jwumpe Nintanmpe yu yii á, lire nyɛ mɛ sùpyire sannt'á mɛ. ⁷Mà li ta wuu mpyi na sí n-jà fànha cyán yii na, ɲaha na ye *Kirisita tùnntunmii pi nyɛ wuu. Ŋka lire ná li wuuni mú i, wuu à pyi ɲùmpinɛfɛe yii shwɔ̀hɔ̀l'e, bà pyàŋi nuɲi ɲùɲke maha mpi ná u e, maa yaha u na mɛ.

⁸Nye yii ntàannamagare t'à sù wuu e ke, tire t'à wuu pyi wuu à Jwumpe Nintanmpe jwo yii á, puru mpemu p'à fwooro Kile e ke. Lire kanni bà me, wuu mpyi a sàa li ta kacenne si yii tège pyiṅkannigii puni na, ali li méé ká bê ná wuu múnahigil'e, naha na ye yii kyal'à waha wuu na sèl'e.

⁹Mii cìmpyiibii, tènì i wuu à sà Kile jwumpe jwo wani yii yyére ke, kanhanṅkanni ná báarawage wuu à pyi pìlaga bàra canṅa na, bà li si mpyi wuu àha bú ṅkwò mpyi tuguro yii juṅ'i me, yii funṅo nye a wwò lire na mà ke!

¹⁰Yii à li nya, Kile mú à li nya, jaaraṅkanni na wuu mpyi na jaare yii shwòhòl'e ke, lire mpyi a jwò maa ntíi, wuu mú mpyi tìgìre cyaga baa.

¹¹Yii mú à li cè na bà tufooni maha u pyiibii cù me, amuni wuu à yii puni niṅkin niṅkinji cù. ¹²Wuu mpyi maha yii yerege maa màban leni yii e, maa yi yu na wahage yii á, na yii yii jaaraṅkanni yaha li yyaha tíi ná Kile nyii wuuni i, uru ṅgemu u à yii yyere, bà yii si mpyi si jyè u Saanre sinampe e me.

¹³Lire kurugo wuu fwù nye Kile na tèrigii puni i, naha na ye Jwumpe Nintanmpe wuu à jwo yii á ke, yii nye a pu pyi sùpyire jwumò me. ṅka bà pu nye me, yii à pu cù amuni, maa li cè na Kile jwumpe pu nye pu pi, yii pi à dá Yesu na ke, na puru pu nye na yii sòṅṅore kèenṅi. ¹⁴Wuu cìmpyiibii, Kile à mpiimu yyere ka pi i dá Yesu Kirisita na *Zhude kùluni i ke, yii ná pire mú à pyi niṅkin, naha na ye bà *Yahutuubii pìl'à pire kyéerege me, amuni yii yabilimpìi sùpyiibil'à yii kyéerege. ¹⁵Pire Yahutuubil'à Kile mùmpenme pyi maa Kafooni Yesu ná *Kile tùnntunmpii bò, maa wuu kyéerege. Pi à piye pyi sùpyire puni zàmpenmii. ¹⁶Jwumpe wuu nye na yu *supyishiṅi sanṅ'á, bà pi si mpyi si shwò me, pi la nye si wuu sige puru njwunji na. Lire mpyiṅi cye kurugo, pi à là bàra pi *kapegigii na, fo Kile lùun'à pa yíri pi taan maa bégele pi ntùnṅi mēe na.

Tesaloniki kàñhe dánafeebii lage nye Poli na

¹⁷Cìmpyiibii, wuu pi ke, wuu à yíri yii taan si tère pyi, wuu nye na yii jaa me. ṅka wuu na sòṅṅi yii kyaa na. Mà pu fíniṅ'a jwo, wuu la nye si yii nya sahanṅi. ¹⁸Lire kurugo wuu la nye si sà fwooro yii na. Mii Poli yabilinṅ'á lire kùsheeni kyal'à yaha tooyo niṅnyahay'e, ṅka Sitaanniṅi à wuu pyi wuu nye a jà a lire kùluni tóge lwó me.

¹⁹Nye jofoo u nye wuu sòṅṅore tatahage ye? Jofoo u nye wuu funntange nùṅke ye? Jofoo u nye wuu pèente nùṅke ye? Yii pi. Wuu Kafooni Yesu cannuruge, yii pi sí n-pyi wuu sòṅṅore tatahage, si mpyi wuu funntange nùṅke, si mpyi wuu pèente nùṅke Yesu yyahe taan. ²⁰Sèenṅi na, yii pi nye wuu pèente ná wuu funntange nùṅke.

Poli à Timōti tun Tesaloniki kànhe dánafeebil'á

3¹Nye wuu à mō a yii kyaa lógo fo li nye a pa jwō me, ka wuu u li lwó wuye funji, maa ntèn naha Ateni kànhe e, ²maa wuu cìmpworonaji Timōti tun yii á, bà u si mpyi si yii tège yii a si yyaha na Kile kuni i, si maban le yii e me. Kile báarapyjæ u nye u wi Jwumpe Nintanmpe njwuñi kurugo, puru mpemu pu nye na *Kirisita kyaa yu ke. ³Wuu à lire pyi bà li si mpyi yyefuge ku nye yii junji ke, kuru kà ñkwò maban fô yii e me. Yii yabilimpil'à li cè na kuru yyefuge yahare e wuu nye. ⁴Mà wuu yaha wani yii yyére, wuu mpyi maha yi yu yii á na yyefugo karii sí n-pa wuu dánafeebii ta. Nye bà yii nye na li naa me, kuru yyefuge e yii nye nume. ⁵Lire kurugo l'à pa tayyérege fô mii na, ka mii i Timōti tun yii yyére u u sà yii Kile kuni paarankanni kànmucya u pa jwo na á, naha na ye mii mpyi na fyáge Sitaanniñi kà ñkwò yii sòn n-yige Kile kuni i, si wuu báarañi pyi jùñjō baa me.

⁶Ñka Timōti à núr'a pa a yîri yii yyére ke, jwumpe u à jwo wuu á mà yyaha tíi ná yii Kile kuni paarankanni ná yii ntàannamagare e ke, pur'à wuu funji jínje. U à jwo wuu á mú na yii funjō wà à wwò wuu na me, na bà wuu la nye si yii nya me, amuni yii la mú nye si wuu nya. ⁷Lire kurugo wuu cìmpyiibii, wuu à yire lógo ke, alí mà li ta wuu nye yyefuge ná nàvunñke e, yii Kile kuni paarankann'à wuu funji pyi y'à jínje. ⁸Nume, wuu yákilibil'à tèn, naha na ye yii à kwôro Kafoonji wwojæge e. ⁹Yii kan'à wuu funji táan pyinñkanni ndemu na ke, wuu bá naha à cè pyinñkanni na wuu sí Kile shéere n-jwo me. ¹⁰Wuu na Kile jáare sèe sèl'e pilaga bâra canña na, bà u si mpyi si wuu yaha wuu núr'a sà fworoyii na me, lire cye kurugo cyeyi yi nye yii sàha ñkwò a yire cè Kile kuni i me, bà wuu si mpyi si yii taanna yire na me.

¹¹Lire kùluni tōge wuu sí n-lwó si ñkàre yii yyére ke, wuu Tuñi Kile ná wuu Kafoonji Yesu u kuni pwó wuu á. ¹²Ntàannamagare ti nye yii ná yiye shwòhol'e ná yii ná sùpyire sannte shwòhol'e ke, Kafoonji u là bâra tire na sèl'e, bà u a là bâra wuu woore na mà yyaha tíi ná yii e me. ¹³Lire ká mpyi, yii sí fànha ta, si ñkwôro tufeempe e si mpyi tìgire cyaga baa wuu Tuñi Kile yyahe taan, Kafoonji Yesu cannuruge e ná u wuubii puni i.

Naarankanni l'à táan Kile á ke

4¹Nye cìmpyiibii, paarankanni na yii à yaa yii a jaare, bà yii kyaa si mpyi si ntáan Kile á me, wuu à lire cyêe yii na. Yii mú bá sí na jaare amuni mà kwò. Nde wuu à sii na jcaa yii á Kafoonji Yesu mege na nume saharñi ke, lire li nye, yii là bâra lire paarankanni na. ²Yereyi Kafoonji Yesu à kan wuu á, ka wuu u yire jwo yii á ke, yii à yire cè.

³Nde l'à táan Kile á ke, lire li nyɛ: yii pyi fyɛnmɛ sùpyii, yii i ɲɔ́ *jacwɔ̀re mpyiɲi na. ⁴Yii shin maha shin u pyi sèeshin u jà uye na, u raa ɲjire kariii pyi. ⁵Mpii pi nyɛ pi nyɛ Kile kuni i ná yii e mɛ, yii àha jacwɔ̀re mpyiɲi lage yaha ku yii ta pire fiige mɛ. ⁶Cikwuɲi kàmpanɲke na, yii wà nyɛ a yaa u u cìmpworonɲi wà mùmpɛnmɛ pyi si u nàɲwɔ̀hɔ̀rɔ̀ mɛ, ɲaha na ye bà wuu à tɛ̀l'a yi jwo a waha yii á mɛ, Kafoonɲi sí cyire karigii shiɲi pyifeebii tùn. ⁷Yii li cè na Kile nyɛ a wuu yyere katupwɔ̀hɔ̀yi mpyiɲi mɛɛ na mɛ, fo fyɛnmpe karigii. ⁸Lire kurugo ɲgemu ká ɲcyé ɲje yerɛyi na ke, sùpya ɲwɔ̀jwumɔ̀ bà urufol'à cyé mɛ. Kilenɲi u à u Munaani le wuu e, ná lire li nyɛ Munaani ɲɲcenni ke, uru na urufol'à cyé.

⁹Ndemu li nyɛ yii ná yiye shwɔ̀hɔ̀ɲi ntàannamagare kani ke, ɲùɲɔ̀ nyɛ mà yaaga sém'a kan yii á kuru kàmpanɲke na sahaɲki mɛ, ɲaha na ye Kile yabilɲ'à lire kuni le yii taan mà kwɔ̀. ¹⁰Lire kuni i yii mú nyɛ na ɲaare, mà yyaha tɛ̀i ná Masedoni kùluni dánafeebii puni i. ɲka lire ná li wuuni mú i, mii cìmpyiibii, wuu na li caa yii á, yii là bàra tire ntàannamagare na sahaɲki. ¹¹Mà bàra lire na, mbèɲi u pyi yii ná sùpyire sannte shwɔ̀hɔ̀l'e. Sùpyire sannte karigii kàmpanɲke na, yii yiye pyiɲkanni cè, yii raa báaraɲi pyi bà yii si mpyi si yyere ná yii ɲùɲɔ̀ karigil'e mɛ. Wuu à fyànha a yire jwo yii á. ¹²Lire ká mpyi, mpii pi nyɛ pi nyɛ Kile kuni i ná yii e mɛ, yii ɲaaraɲkanni sí pire yyaha ɲí, li mú saha si nɔ̀ sùpya u yii tugure lwɔ̀ mɛ.

Kwùubii ɲèɲi kani

¹³Wuu cìmpyiibii, mpii pi à kwù ke, wuu la nyɛ yii i mpyi numpini ná yyetanhare e pire kàmpanɲke na sùpyire sannte fiige mɛ, pire mpiimu pi nyɛ sɔ̀ɲɔ̀rɔ̀ tatahaga baa ke. ¹⁴Ná wuu à dá li na na Yesu à kwù maa ɲè, wuu mú à dá li na na dánafeebii pi à kwù ke, na Kile sí pire ɲè n-yige kwùɲi i Yesu cye kurugo pi i mpyi ná Yesu i. ¹⁵Mà tàanna ná Kafoonɲi Yesu jwumpe e, wuu sí mpemu jwo yii á ke, puru pu nyɛ mpe: Kafoonɲi cannuruge, ɲyii wuubii si n-sii n-yaha kwùubii yyaha na mɛ. ¹⁶Kuru canɲke, Kafoonɲi Yesu ká kuni kan, *Kile mèlekeebii ɲùɲufoonɲi meɲwuuni sí n-lógo, lire ɲwɔ̀hɔ̀ na Kile tìɲmpini sí n-wyì. Lire ká wyì, Kafoonɲi Yesu yabilɲi sí n-yíri ɲìɲyiɲi na si mpa. Mpii pi à kwù mà pi yaha Yesu *Kirisita wwoɲɛge e ke, pire pi sí n-fyànha ɲè. ¹⁷Nyɛ lire ká mpyi a dánafeebii mpiimu ta ɲyii na ke, pire sí n-bàra pire na, si ɲkò n-yíri sɲncyan, si ɲkàre ɲahaɲyi i, si zà Kafoonɲi ɲùɲɔ̀ bɛ̀ ɲìɲyiɲi na. Lire pyiɲkanni na, wuu sí n-pyi ná Kafoonɲi i tèrigii puni i. ¹⁸Lire e ke yii a yiye fɔ̀ɲɲi ná puru jwumpe e.